

BOSNA I HERCEGOVINA
 FEDERACIJA BOSNE I HERCEGOVINE
 ZENIČKO-DOBOJSKI KANTON
 KANTONALNO TUŽILAŠTVO-TUŽITELJSTVO
 ZENIČKO-DOBOJSKOG KANTONA
 Broj: T04 0 KT 0055387 23
 Zenica, 03.04.2024. godine

OPĆINSKOM SUDU U ZAVIDOVIĆIMA
 - Sudiji za prethodno saslušanje -
ZAVIDOVIĆI

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

MERDIĆ MUZAFIRA, zvani „Muza“, rođen 1984. godine u Zenici osuđivan deset puta za istovrsno krivično djelo, kao i za raznovrsna krivična djela,

Što je:

dana 03.10.2023. godine oko 22,20 sati, u Zavidovićima, u ulici 35. divizije bb, u UO Restoran „...“ vlasništvo V. S., grubim vrijeđanjem, zlostavljanjem i nasiljem prema: M.V.koji je kao gost sjedio u pomenutom restoranu, vlasnici V. S. i njenom nevjenčanom suprugu K. M., ugrozio građanski mir istih, na način da nakon što se prethodno doveo u alkoholisano stanje, fizički napao M. V. tako što je prišao njegovom stolu i obratio mu se grubim riječima: „šta me gledaš“, da bi mu odmah bez ikakvog razloga i povoda zatvorenim šakama zadao više udaraca u predjelu glave, i to najprije u nos, a onda tri puta u potiljak, da bi pokušao da ga i nogom udari u glavu, ali je M. V. postavio ruke i zaštitio se, te istrčao iz restorana, kojom prilikom mu je nanio lahke tjelesne povrede u vidu nagnječenja nosa i usta i nagnječenja vrata, da bi potom krenuo prema K. M. i V. S. da ih fizički napadne, na način da je M. opsovao majku, rekavši mu da je seljak i da ne može raditi šta on hoće, pa kada je vidio da V. S. putem telefona zove policiju istu je fizički napao kako bi je u tome spriječio skinuvši joj naočale s lica, nakon čega je u unutrašnjosti restorana, a potom i na dijelu ulice ispred restorana, fizički napao K, M, na način da mu je šakom zadao udarac u predjelu glave, tačnije u predjelu brade, i tom prilikom mu nanio lahke tjelesne povrede u vidu nagnječenja brade i ogrebotine desnog uha i vrata, iako je bio svjestan da time grubo vrijeđa, zlostavlja i vrši nasilje prema oštećenim i da im na taj način može nanijeti tjelesne povrede, što je i htio, pa je naprijed navedenim radnjama M.V. i K.M. nanio lahke tjelesne povrede,

dakle, nasiljem prema drugom ugrozio građanski mir kojom prilikom su dvije osobe lahko tjelesno ozlijeđene,

čime je počinio krivično djelo „Nasilničko ponašanje“ iz člana 362. stav 2. u vezi sa stavom 1. KZ F BiH.